

Fula - Fuddam Ruuhu Kabata Baawde Deftere - Beginning WP Scriptures

Deftere - Confession Scriptures

Esira 9:7 Diga saa'i kaakaaji amin haa warugo hande min aybube masin.

Ngam daliila junuubaaji amin a hokki min haa juude laamiibe jananbe, minin e laamiibe amin e liman'en, ngam be mbara min, be kabba min, be njabta min, be leestina min bana ko laati hande.

Esira 9:13 Min njari bone ngam kuude amin kallude e aybeeji amin duuddi.

Ammaa an a hiitaaki min fodde junuubaaji amin duuddi, a accani min luttube be'e.

Nehemiya 9:2 Yimbe Isra'iila ceedi bee yimbe jananbe fuu, be mbangini hakkeiji mabbe e aybeeji kaakiraabe mabbe.

Jabuura 24:3,4 Moy hebata wa'aago hooseere Jawmiraawo? Moy hebata nastugo suudu maako seniindu? 4 Mo juude mum e bernde mum laabi, mo nufataako kuuje kallude, mo hunataako fewre boo, kaŋko o heban dum.

Jabuura 73:13 Meere aynumi hoore am, taa mi wada hakke. Meere boo aynumi juude am, taa de kuuwa junuuba.

Esaaya 59:2 Ammaa junuubaaji mon cendi on bee Jehovah moodon, hakkeiji mon laati bana wirndallo hakkunde maako bee moodon. Ngam maajum o nanataa.

Esaaya 64:6 Minin fuu min laati bana sobbe, goongaaku amin nandi bee limce tunwude. Minin fuu min dayli bana haako, junuubaaji amin mbifti min bana hendu.

Yeremiya 5:25 Ammaa aybeeji moodon don kada dum jonta, hakkeiji moodon don ittana on hayru.

Hose'a 13:8 Mi ukkanto on bana takkere hoocanaande bikkoy muudum, mi seekan wibbere e bernde. Dawaadi nyaaman on ton, dabbaaji ladde ceekan on.

Daniyel 9:8,9 Ya Jawmiraawo, laamiibe amin e mawbe amin e kaakaaji amin, minin fuu min don cemta, ngam min mbadi hakke dow maada. 9 Hinnuye e yaafuye don haa maada, ammaa minin min tuurti.

Markus 9:24 Law baaba biŋgel hooli: "Mi nuddini, ammaa dum caddum haa am, wallam!"

Luka 11:2 O wi'i be: "To on don mbada do'a, mbi'e: Ya Baabiraawo, a Ceniido, wad koomoy fuu teddina innde ma. Wanjinan min laamu ma. (Matta 6:10)

Yuhanna 14:6 Yeesu jaabi mo: "Min woni laawol jahranŋgol haa goonga e ngeendam. Walaa mo hebata yahugo haa Baabiraawo bee laawol feere,

sey bee am.

Yuhanna 17:15 Mi torataako ma ngam a wurtina be duniyaaru, ammaa a hisna be juŋŋo Kalludo.

Yakuba 4:8 Badite Jehovah, kanko boo o badititto on. Labbine juude moodon, onon marbe hakke. Labbine berde moodon, onon naafiki'en.

Roma'en 6:12-14 Ngam maajum taa acce hakke laamo nder balli mon maayandi, taa tokke suunooji maaji boo. 13 Taa acce hakke huutinira terde mon bana balmi halleende. Ammaa ndokke ko'e mon haa juŋŋo Jehovah, ngam on ngurti maayde, on nasti ngeendam. Acce Jehovah huutinira terde mon bana balmi mboodeenga. 14 Yeeso do, hakke walaa baawde dow moodon, ngam tawreeta laamantaako on, sey mo"ere Jehovah.

Ibraniŋko'en 9:28 Bana non Almasiihu boo hokki yonki muudum nde woore ngam o itta hakkeeji duudbe. O wangan didawre, naa ngam o itta hakkeeji, ammaa ngam o hisna reenbe mo.

1 Yuhanna 1:9 Ammaa to en tuubi hakkeeji meeden yeeso Jehovah, en mbaawan hoolaago mo ngam wolde maako don tabiti. O yaafoto hakkeeji meeden, o labbinan en diga aybe meeden fuu.

Njaafano Deftere - Forgiveness Scriptures

Matta 6:12-15 Yaafana min aybeeji amin, bana no minin boo min njaaforanto wadbe min aybe. 13 Aynu min ngam taa Saydaanu esta min, min acca nuddinki, ammaa wurtin min juŋŋo Saydaanu. Ngam an mari laamu e baawde e teddungal, haa foroy. Aamiinal! 14 "To on don njaafano wadbe on aybe, Baabiraawo moodon mo asama yaafanto on hakkeeji moodon boo. 15 Ammaa to on njaafanaaki wadbe on aybe, nden kam Baabiraawo moodon boo yaafantaako on hakkeeji moodon."

Matta 18:21,22 Nden Piyer wari haa Yeesu, ?ami mo: "Jawmiraawo, to deerdiraawo am tokki wadugo yam aybe, mi yaafoto mo nde noy? Nde joweedidi na?" 22 Yeesu jaabi mo: "Aa'a, naa nde joweedidi, ammaa cappande joweedidi nde joweedidi."

Matta 18:35 Nden Yeesu besdi wi'ugo: "Bana non boo Baabiraawo am mo asama huuwata on, to on njaafanaaki wodbe aybe muudum'en bee bernde woore."

Markus 11:25,26 Nde on ndari ngam do'aago fuu, to on ngoodi koodume dow goddo, njaafe mo, ngam haa Baabiraawo moodon haa asama boo yaafano on aybeeji moodon. 26 Ammaa to on njaafaaki, nden kam Baabiraawo

moodon mo asama boo yaafantaako on aybeeji moodon."

Luka 6:37 "Yoo, taa kiite yimbe wodbe, Jehovah boo hiitataako on. Taa ndo"e wodbe kiita, Jehovah boo do"ataa on kiita. Njaafe wodbe, Jehovah boo yaafoto on.

Luka 11:4 Yaafana min hakkeeji amin, ngam minin boo min don njaafano wadbe min aybe fuu. Aynu min ngam taa Saydaanu esta min, min acca nuddinki."

Luka 17:3,4 Ayne ko'e moodon! "To deerda wadi hakke, wolwan mo bee hakiilo. To o tuubi, yaafa mo. 4 To o wadi ma aybe nde joweedidi nder nyalde, o don wara haa maada boo nde joweedidi man fuu, o wi'a: Mi tuubi, a yaafu mo."

Luka 23:34 Yeesu wi'i: "Baabiraawo, yaafa be, ngam be anndaa ko be kuuwata." Be cendi limce maako hakkunde mabbe bee fiyugo caaca.

Kuude Nelaabe 8:22 Tuubu ngam halleende ma, tora Jehovah o yaafane numooji ma.

Roma'en 4:7 "Seyo laatani yimbe, to Jehovah yaafake hakke mabbe, suddi boofi mabbe fuu.

Efesu'en 1:7 Ngam daliila yiyyam Almasiihu ndufaadam kebden ndimu e yaafuye hakkeeji men. Bana ni Jehovah waqinani en manju mboodeenga muudum.

Efesu'en 4:32 Ammaa maslindire, mboonindire, njaafotire bana Jehovah yaaforani on ngam daliila Almasiihu.

Kolossi'en 1:14 Bee Biddo oo en kebi ndimu, hakkeeji boo njaafaama.

Kolossi'en 2:13-15 Naane, Jehovah donno laara on bana maaybe ngam daliila hakkeeji moodon, ngam Almasiihu wadanaayno on juulhol go boo. Ammaa jonta Jehovah yeeditini on hawtaade bee Almasiihu. O yaafi hakkeeji meeden fuu. 14 O seeki dereewol nyamaande meeden duunde, billungol en bee umrooje muudum. O meeridiniri ngol bee tiggugo ngol haa gaafaangal. 15 Bana non o bortiri baawdeeji e ruuhuji fuu. O semtini di yeeso yimbe fuu, saa'i o yahri di, di kabbaadis nder jama'aare maako.

1 Yuhanna 1:9 Ammaa to en tuubi hakkeeji meeden yeeso Jehovah, en mbaawan hoolaago mo ngam wolde maako don tabiti. O yaafoto hakkeeji meeden, o labbinan en diga aybe meeden fuu.

1 Yuhanna 2:12 Mi windani on, onon bikkoy am, ngam bee innde Yeesu Almasiihu on kebi yaafuye.